



SAKSPAPIR

Saksnr	Utval	Type	Dato
14/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-233	21/206

LØYVING AV BYGDEUTVIKLINGSMIDLAR TIL UTVIKLING AV KULTURARRANGEMENT I REGI AV "STANGHELLE KULTUR"

Vedlegg:

Søknad bygdeutviklingsutvalet - tilskot til kulturelle opplevingar

Kommunedirektøren sitt framlegg til vedtak:

Bygdeutviklingsutvalet i Vaksdal kommune løyver inntil kr. 30 000,- i bygdeutviklingsmidlar til «Stanghelle Kultur» i samband med førebuing og gjennomføring av lokale konsertarrangement i kommunen.

Løyvinga utgjer 100 % av «godkjend kostnad» på kr. 30 000,- (øvre ramme). Utbetaling vert gjort ut frå dokumenterte utgifter innanfor ramma, og er knytt til:

- Innkjøp av PA-anlegg med mikrofon : kr. 20 000,-
- Kompetanseheving/promotering : kr. 10 000,-

Det er ikke funne grunnlag for å løyve midlar til kunstnar- og artisthonorar, som følgje av at dette er vurdert som driftskostnadar, jf. saksutgreiing.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet kan på førespurnad, (del)utbetalast før slutføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Bygdeutviklingsutvalet - Sak 14/2021

BYG - Behandling:

Kommunedirektøren sitt framlegg til vedtak vart samrøystes vedteke

BYG - Tilråding/Vedtak:

Bygdeutviklingsutvalet i Vaksdal kommune løyver inntil kr. 30 000,- i bygdeutviklingsmidlar til «Stanghelle Kultur» i samband med førebuing og gjennomføring av lokale konsertarrangement i kommunen.

Løyvinga utgjer 100 % av «godkjend kostnad» på kr. 30 000,- (øvre ramme). Utbetaling vert gjort ut frå dokumenterte utgifter innanfor ramma, og er knytt til:

- Innkjøp av PA-anlegg med mikrofon : kr. 20 000,-
- Kompetanseheving/promotering : kr. 10 000,-

Det er ikkje funne grunnlag for å løyve midlar til kunstnar- og artisthonorar, som følgje av at dette er vurdert som driftskostnader, jf. saksutgreiing.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet kan på førespurnad, (del)utbetalast før slutføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Saksopplysningar:**Samandrag/konklusjon (kort om saka)**

Bygdeutviklingsutvalet har kr. 500 000,- i tilskotsmidlar til fordeling i 2021.

«Stanghelle Kultur» er ei nyskipa foreining for å gjennomføre lokale kulturarrangement, med hovudvekt på musikk. I dette høve søker foreininga om kr. 60 000,- i tilskot frå Bygdeutviklingsutvalet til å førebu og gjennomføre musikkonsertar. Investeringane er knytt til innkjøp av lydanlegg, kunstnar- og artisthonorar, kompetanseheving og promotering. Kostnaden, utan eigeninnsats, er budsjettert til kr. 84 000,-.

Kommunedirektøren finn at tiltaket det vert søkt om støtte til, er i tråd med føremålet til bygdeutviklingsmidlane, og går inn for å løyve kr. 30 000,- i tilskot til kompetanseheving/promotering og innkjøp av utstyr. Det er ikkje funne grunnlag for å løyve midlar til å dekkje kunstnar- og artisthonorar, jf. saksutgreiing for vurdering og grunngjeving.

Bakgrunn for saka

Bygdeutviklingsutvalet i Vaksdal kommune forvaltar ei tilskotsordning for å fremje bygdeutvikling i kommunen, med inntil kr. 500 000,- i tilskotsmidlar for 2021. Delar av midlane er brukte.

I søknad av 09.02.21 søker «Stanghelle Kultur, ved Stefano Giusti og Line Giusti, om kr. 60 000,- i bygdeutviklingsmidlar til innkjøp av teknisk utstyr og gjennomføring av konsertar.

«Stanghelle Kultur» er ei nyleg stifta foreining, registrert i Brønnøysundregistra, som ønskjer å tilby kulturarrangement med hovudvekt på musikk, men også innanfor litteratur, utstillingar og liknande, jf. søknaden. Det går fram at initiativtakarane har brei erfaring frå ulike kultur- og festival-arrangement, og at dei no ønskjer å nytte denne kompetansen til å utvikle eit nytt og breiare tilbod lokalt. I dette høve vert det vist til gjennomførte huskonsertar i 2020, som ei byrjing.

Føremålet med initiativet er å leggje til rette for lokal aktivitet og å skape trivnad og opplevingar innanfor kulturfeltet. Planen er at mange av arrangementa vil bli haldne på Stanghelle, men det er òg ønskjeleg å gjere nytte av andre stader i kommunen.

Tilboda vil vere opne for alle, innanfor rammene av tilgjengelege billettar og billettprisar. Intensjonen er å spreie entusiasme, leggje til rette for «bynært bygdeliv» og å tilby publikum eit litt annleis kulturtilbod. Søkjar skriv i dette høve at eit tilskot frå bygdeutviklingsutvalet vil vere med å gje grunnlag for framtidig drift og gjennomføring av ulike aktivitetar.

Søknaden om midlar er knytt til gjennomføring av ei konsertrekke, og fordeler seg på følgjande tiltak/gjermål:

- Innkjøp av PA-anlegg med mikrofonar : kr. 20 000,-.
- Kunstnar- og artisthonorar : kr. 30 000,-.
- Kompetanseheving og promotering: : kr. 10 000,-.

Vedlagt kostnadsoverslag og finansieringsplan viser budsjettert kostnad på kr. 84 000, der søknadssummen utgjer 71 % av oppgjevne utgifter. Resterande beløp skal dekkjast gjennom billettinntekter.

Det går fram av søknaden at mykje av arbeidet knytt til førebuing og gjennomføring, skal gjerast ved eigeninnsats. Denne innsatsen er ikkje teken med i budsjettet, men utgjer eit vesentleg beløp.

Formelt grunnlag:

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert vurdert under «*vurdering og konsekvensar*».

Vurdering og konsekvensar:

Søknaden vert vurdert å vere i samsvar med retningslinene for tilskotsordninga sine krav til innhald og kven som kan søkje om midlar (mellom anna private aktørar og verksemdar).

I følgje retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til

ulike prosjekt og stader. Det kan òg gjevast stønad til kurs og kompetanseutvikling, men ikkje til drift.

Kommunedirektøren ser på etablering av «Stanghelle Kultur» som eit spanande og kreativt initiativ, som kan gje lokalt publikum nye kulturtilbod og spesielle opplevingar, spesielt på musikk sida. Foreininga vert sett på som eit idealistisk initiativ, meir enn ei kommersiell satsing, og det går fram av budsjettet for musikkonsertane, at overskotet vert nærast lik kr. 0,-. Eit eventuelt overskot skal gå til framtidige arrangement.

Vurderinga er at planlagte aktivitetar er i samsvar med føremålet som bygdeutviklingsmidlane skal fremje.

I søknaden vert det søkt om kr. 30 000,- til kunstnar- og artisthonorar. Kommunedirektøren oppfattar desse utgiftene som driftskostnadar, og meiner at dei difor fell utanfor retningslinene til bygdeutviklingsmidlane. Dei resterande kostnadane (PA-anlegg og kompetanseheving/promotering), ligg innanfor regelverket. På bakgrunn av desse vurderingane vert difor «godkjend kostnad» sett til kr. 30 000,-, som er kr. 30 000,- mindre enn kva det vert søkt om.

I vurderinga av søknaden vert det i tillegg til innhald og fastsett kostnad, lagt vekt på den store graden av eigeninnsats.

Retningslinene seier at det skal takast omsyn til geografisk spreiding og om bygder har fått tilskot ved tidlegare høve. Tettstaden Stanghelle har etter kva Kommune-direktøren kjenner til, ikkje fått tildelt bygdeutviklingsmidlar før.

Retningslinene for bygdeutviklingsmidlane set ikkje noko øvre grense for prosentvis finansiering.

På bakgrunn av søknaden sitt innhald, kriteria for løyving, tilgjengelege midlar og innkomne søknadar, går Kommunedirektøren inn for å løyve kr. 30 000,- i tilskot til musikkarrangement i regi av «Stanghelle Kultur». Løyvinga utgjer 100 % av «godkjend kostnad». I dette ligg utgifter til innkjøp av utstyr, kompetanseheving og promotering.